

瀘谿縣志卷五

祠廟

文廟明萬曆六年析縣知縣陳王廷建於東城外羅汝芳記十五年知縣汪謨改建於縣治西中爲

大成殿旁爲兩廡前爲戟門門左爲名宦祠右爲鄉賢祠門外爲泮池池架石梁池外爲櫺星門門外爲黌牆東西爲道德門三十九年知縣梁應掄增建兩廡修理殿門有記崇正十一年寇燬十二年邑人傅登覺呈稟樓院准動支完贖銀一百兩出簿襄助耆民傅元松林永吉領銀督造國朝康熙十年署縣丞孟吉熊增修十九年知縣張翼文教諭陳善訓導魯志重修二十三年

瀘谿縣志

卷五 祠廟

一

聖祖仁皇帝頌

御書萬世師表扁額四十七年知縣王弼鼎建雍正三年知縣汪雲鵬重修四年

世宗憲皇帝頌

御書生民未有扁額乾隆三年

高宗純皇帝頌

御書與天地參扁額四年知縣王璐教諭楊鳳然捐俸邑人林桃盧必雄林可權傅廷佐等募貲新東西兩廡戟門櫺星門四十六年知縣鄭九敘復修嘉慶五年

仁宗睿皇帝頌

御書聖集大成扁額五年事林策石湛盧嵩齡等倡修周圍

牆垣道德門道光元年

宣宗成皇帝

御書聖協時中扁額二年奉

旨增祀明儒劉宗周於西廡蔡清之次三年奉

旨增祀 國朝湯斌於東廡羅欽順之次闔邑因榱棟朽敝捐

貲重建五年奉

旨增祀明儒黃道周於東廡羅欽順之次六年奉

旨增祀明儒呂坤於西廡蔡清之次又奉

旨增祀唐臣陸贄於東廡王通之次八年奉

旨增祀 國朝孫奇逢於西廡呂坤之次二十三年奉

旨增祀宋儒文天祥於東廡何基之次二十九年奉

瀘谿縣志

卷五 祠廟

二

旨增祀宋儒謝良佐於東廡司馬光之次咸豐元年奉

旨增祀宋臣李綱於東廡羅從彥之次二年奉

旨增祀唐臣韓琦於西廡胡瑗之次三年奉

旨增祀先賢公明儀於西廡秦冉之次七年奉

旨增祀先賢公孫僑位列東廡第一九年奉

旨增祀宋臣陸秀夫於西廡王柏之次十年奉

旨增祀先儒曹端於西廡許謙之次同治二年奉

旨增祀漢儒毛亨於東廡伏勝之次又奉

旨增祀明儒方孝孺於東廡陳澔之次又奉

旨增祀明儒呂柟於東廡羅欽順之次五年頒

御書聖神天縱扁額六年知縣劉獻葵以仰堂排山賣價式百

千修理七年奉

旨增祀宋儒袁燮於西廡呂祖謙之次八年知縣楊松兆復修祭期歲以春秋仲月上丁日先二日齋戒沐浴牲牢器幣隔宿而敬省之至期各率其職肅將祀事正獻官知縣分獻官教諭訓導以下執事人數監宰監洗監造膳羞收發祭器提調幕次通贊引贊司壘洗香燭司齋司帛讀祝飲福受胙執事

祭品先師前最上爲**爵**三登一次之實以太羹鉶二居登左右實以和羹一黍一稷而盛以二簋一稻一粱而盛以二簋次列登下居其左右之間簋簋左右置籩豆各十籩之實曰鹽曰薨魚曰鹿脯曰棗曰栗曰榛曰菱曰芡曰糗

瀘谿縣志

卷五 祠廟

三

餌曰粉飡豆之實曰菁菹曰芹菹曰韭菹曰筍菹曰醯醢曰兔醢曰鹿醢曰魚醢曰脾析曰豚胎如缺視水陸之產以方物之及時者代之終陳太牢一羊一豕一帛一饌盤一四配四壇壇**齊**三鉶二簋簋各二籩豆各八羊一豕一帛一饌盤一十哲東西各一壇壇**齊**三鉶一簋簋各二籩豆各四豕一帛一饌盤一兩廡各四壇壇**齊**三鉶一簋簋各一籩豆各四豕一帛一饌盤一設酒尊盥洗所於丹墀之東南設瘞埋所於廟之西北丹墀東西及露臺上各設炬兩廡長廊各設燈

部頒禮器木祝版二銅毛血盆二登二**彝**二鼎十六毛血磬十六鉶二十二簋簋各六十一著尊壘尊各八**齊**五十四

皆磁爲之籩豆各二百四十六饌盤十六俎二十燭臺以對記共五十三帛篚十八牲盤十八高照四十六惟籩暨帛篚用竹絲餘皆木爲之紬幕幃八銅勺八錫盥盆二各有木架錫茅沙池二鐵燎爐二鐵庭燎八鐵燔又四供桌六紬桌幃十八

部頒樂器大鼓一楹鼓一應鼓一鼗鼓二搏拊二皆有架緞傘蓋一琴六并桌瑟二有架笙六龍笛六鳳簫二洞簫三塤二箎二柷一敔一翟籥各四十八羽旄一百四十四石磬銅鐘各一十六皆有架象簡六麾旛二旌節二千二戚二

部頒祭交崇聖祠文曰惟王奕葉鍾祥光開聖緒盛德之後

瀘谿縣志

卷五 祠廟

四

積久彌昌凡聲教所覃敷率循源而溯本宜肅明禋之典用申守土之忱茲屆仲春秋聿修祀事配以先賢顏氏先賢曾氏先賢孔氏先賢孟孫氏尙饗先師廟文曰惟師德隆千聖道冠百王揭日月以常行自生民所未有屬文教昌明之會正禮和樂節之時辟雍鐘鼓咸恪薦於馨香泮水膠庠益致嚴於籩豆茲當仲春秋祇率彝章肅展微忱以復聖顏子宗聖曾子述聖子思子亞聖孟子配尚饗

部頒樂章宮調分春秋祭春祭夾鐘爲宮倍應鐘起調秋祭南呂爲宮倍仲呂起調凡六章章八句迎神咸平之章曰大哉孔子先覺先知與天地參萬世之師祥徵麟紱韻答金絲日月旣揭乾坤清初獻寧平之章曰予懷明德玉

振金聲生民未有展也大成俎豆千古春秋上丁清酒既  
載其香始升亞獻安平之章曰式禮莫愆升堂再獻響協  
鼗鏞誠孚壘甌肅肅雍雍譽髦斯彥禮陶樂淑相觀而善  
終獻景平之章曰自古在昔先民有作皮弁祭菜於論思  
樂維天牖民惟聖時若彛倫攸敘至今木鐸徹饌咸平之  
章曰先師有言祭則受福四海贊宮疇敢不肅禮成告徹  
毋疏毋瀆樂所自生中原有菽送神咸平之章曰鳧繹峩  
峩洙泗洋洋景行行止流澤無疆聿昭祀事祀事孔明化  
我蒸民育我膠庠

釋奠至日五鼓有執事生員各供執事獻官率僚屬生員序  
立丹墀下聽贊唱禮瘞毛血進饌工歌咸平之章有樂無

瀘谿縣志

卷五 祠廟

五

舞獻官率僚屬生員三跪九叩首工歌寧平之章有樂有  
舞行初獻禮獻官升自東階詣盥洗所浴手授巾詣酒尊  
所司尊者舉冪酌酒詣先師前跪奠帛獻齋叩首興詣讀  
祝所跪階下各官屬皆跪讀祝叩首興詣四配亦如之復  
位分獻官盥洗升自東階各詣東西折及兩廡俱如正祀  
儀復位工歌安平之章有樂有舞行亞獻禮儀如初惟不  
盥洗不奠帛不讀祝文復位工歌景平之章有樂有舞行  
終獻禮儀如亞獻復位獻官升自東階詣香案前跪階以  
下皆跪飲福受胙叩首興復位各官俱行三跪九叩首禮  
徹饌工歌咸平之章樂作舞止送神工歌咸乎之章樂作  
舞止獻官率僚屬生員三跪九叩首讀祝者捧祝司帛者

捧帛各詣瘞所望瘞工歌望瘞曲同送神詣燔帛所燔帛退

崇聖祠在明倫堂後明萬曆十五年知縣汪謨建三十九年知縣梁應掄重建

國朝雍正十年知縣閻廷佶同紳士林鳳階石迴瀾林桃盧必雄林可權傅廷佐等復建咸豐七年奉

旨以先賢孔氏孟皮配饗是年五月祠被寇燬今方議修復因形家言歲星欠利暫緩其工

名宦祠在戟門左祀前明建昌知府王之屏南城知縣范涑邑令陳王廷

國朝巡撫白潢學道高墳知縣謝世應道光二十年奉

瀘谿縣志

卷五 祠廟

六

旨增祀兩江總督陶澍

鄉賢祠在戟門右祀宋儒李淞

忠義孝弟祠在學署東雍正二年奉

旨勅建動支帑項明忠臣李大開例得入祠裔伯奇領銀三十

一兩助已貲約百金告成知縣羅世清以宋忠臣饒廷直產櫨木當時籍隸南城析縣後屬瀘谿八都詳請入瀘祀

典嘉慶三年門堂斲朽李姓捐貲重修二十三年經訟重

修今圯

節孝祠在忠義孝弟祠右雍正二年奉文動帑新增鄧節

婦子敦復捐貲助建祀明傅灤妻趙氏傅銓妻蕭氏孫瑩

七妻張氏孫瑞一妻李氏 國朝鄧守謙妻饒氏

節孝總祠在鶴城書院後墻左偏道光三十年奉  
旨新葺總坊兼建祠

武廟在城南防汛營左乾隆二年知縣王璐捐俸將公署地址  
易傅姓地增置三代祠道光七年知縣唐尚倬罰貲重修  
道光二十二年縣丞段正邦首捐錢壹百串並文武各員  
共捐錢叁百餘串紳士魏觀泰鄧廷傑林汝翼盧早思王  
兆賢分投勸捐錢貳千六百餘串前後殿宇一律新蓋並  
添造戲臺一座周圍院墻同治八年知縣楊松兆因下廳  
傾圮復給經費與城守阮金泰重修戲臺被寇拆毀遂廢  
祀田

一段土名岡上田五秤租四石五斗太陽山同首事林桃

瀘谿縣志

卷五

祠廟

七

盧必雄林可權合買

一段坐落南門外田三秤租三石首事林桃等捐買

一段土名旗美嶼田四秤租二石林安南清出

社稷壇在西門外

風雲雷雨山川壇在西門外

先農壇在西門外社稷壇右原有屋後圯嘉慶八年知縣

閻鑿同紳士捐修

祀田一段土名坐落長塘墩下籍田四畝九分

文昌宮未建祀於鶴城書院

同治九年升入中祀一切儀  
禮祭品祭器樂章另存典冊

魁星閣在

文廟左嘉慶五年邑人林策鄒光漢盧嵩齡等倡建道光二十

四年魏崇基因阻壓學門移建考棚後城西北隅近被倒塌形家每議此非建閣之所亟宜擇地重建

城隍廟在城西萬厯十年知縣陳王廷邑人傅汝楷倡建三十年知縣馮日望修葺雍正十一年圖邑重修增建寢殿嘉慶二十年知縣楊朝位邑人傅班聯同林南桂募貲增修咸豐七年賊踞城神像被毀廟亦朽敝同治六年知縣劉獻葵修八年知縣楊松兆復新塑后殿及兩廊神像龍神初無廟乾隆十八年知縣楊焯改城隍廟右義學於縣西南儒學左十九年知縣顧惠懋卽城隍廟右空室立像祀之近因廟燬知縣劉獻葵改爲考棚東偏房室厲壇在北門外陳公堤下後改建於西北墩上

社壇在西門外先農壇右有屋

張王廟一在城北萬厯以前建 國朝康熙五十七年知

縣白潔捐貲重建乾隆四十一年知縣葉全德捐貲重修嘉慶十一年知縣閻鑿同紳士捐貲復修咸豐七年賊毀神像拆廟樑柱爲薪同治七年林黃鄧暨眾姓合貲重建廟右餘址先是道光年間眾姓建立財神廟七年俱被燬茲蓋造房屋三間廟祝居焉一在縣城西南鶴城書院左乾隆四十二年西南眾姓合建廟右下又建觀音堂今俱廢

許真君廟一在東城外長塘嘉慶八年傅姓倡捐勸建一在西關外洲上梭場西偏嘉慶八年眾姓捐貲勸建二十



三年又建財神廟於其左今俱圯

鳴山廟在北城外司前街司前眾姓建嘉慶四年修同治六年司前眾姓重修

福善王廟在東關外傅氏祠右長塘傅姓及金斗窠眾姓同建今圯

李公祠在學宮左鶴城書院後萬厯四十三年知縣潘元勳詳請立專祠祀宋儒李觀春秋祀以少牢祭畢頒其後裔暨首事林樹英傅登覺等胙行人涂國鼎撰碑記明季燬雍正九年公後裔復建乾隆年間重修署其門曰理學祠

義士祠在一都高阜曾氏祠右祀元義士鄧景祥王莫有

瀘谿縣志

卷五 寺觀

九

記

寺觀

廣仁寺鄧氏貞孝九娘建原址卽今衙署立縣後改建司前咸豐七年賊折毀尚有田租

廣福寺在西門外

永興殿在南隅朱崖村水口山外傅姓建有文昌帝君像咸豐十一年寇燬至同治八年復建

獅山寺在一都曾姓建內有書室咸豐八年寇燬曾春發等斂貲草創未復舊觀

瑞相寺在二都曾順四建舊名白馬宋治平初改今額李山甫有詩

仁濟寺在三都西源舊係法雲觀基址寺側有官山礦場  
歷存案讞永禁燒灰乾隆九年鄧觀有記勒石豎西廡道  
光年間因修武廟乏貲經官斷令燒灰之家歲出租錢  
三十千歸官修理又出錢三十千歸該寺住持寇擾後寺  
漸圯待修

法水寺在四都舊名龍泉唐開元間以湯泉爲額後改靈  
泉宋景德初改法水禪院曾梅阜有記明萬曆戊午燬後  
重建石文器有序載舊志

晁生寺在四都石搢叔建僧學悟廓大之

定安寺在四都杜藍宋紹興二年參軍石松建淳熙七年  
進士石致平請於朝賜定安院扁額

瀘谿縣志

卷五 寺觀

十

慈明寺在五都火源唐名慶雲宋治平初改今額官谿黃  
十萬建乾隆十一年僧騰衍修復

慧光寺在五都盤谿石士良建舊名諸禪寺宋治平改今  
額

安福寺在六都東源

普潤寺在七都陽谿唐貞觀二年建鄒伯起有詩

集義寺在七都

覺林寺在七都

濟眾寺在八都舊名嶽峯宋治平間改今額燬於火元至  
正閒里人李士俊孫士明重建而孫氏又施山田山之左  
右孫氏葬有祖妣墳二冢

普仁寺在九都

仙福寺在九都

大陽山寺在九都明季寇斥荒積僧德經同徒就然世然墾闢創興力耕理產徒眾日盛爲瀘陽音刹

眞如禪寺在十都寶應山唐天成初建額曰地藏宋治平初改今額明進士新城黃端伯有記碑石至今猶存

妙明寺在十都長山

廣覺寺在十一都康熙年間石上士父子先後捐田五十畝零布入圓明普濟廣覺三處乾隆十五年彙總勒碑豎於廣覺寺嘉慶十九年寺遭回祿碑亦焚裂至二十四年僧繼慧倡舉協眾鼎建梵宇重新

瀘谿縣志

卷五 寺觀

十一

青蓮寺在十一都

福源寺在十二都鄧黃丁李同建并施山田有碑

梵天寺在十四都

興梵寺在十五都長慶山唐建額曰再興宋治平初改興梵院今稱寺

天青寺在十五都燬數十年同治丁卯募貲復建

澤心寺在十六都宋建李山甫有記有詩今名德豐因在饒山又稱饒山寺按澤心寺古刹也宋周安禮重修咸

豐十一年燬於寇至今墻垣仍在田租尚存

南華觀在南隅咸豐十一年燬于寇

紫元觀在司前去思亭側今廢存基地

法雲觀在三都西源宋石永壽建今廢

大清觀在六都

東山觀在十一都

迎仙觀在十一都

西華觀在十四都

東華觀道院在四都裏山俗呼爲裏山觀宋治平二年鵬

山盧一宗建

金竺庵在東門外今圮

圓通庵在縣北林姓建自賊擾後無佛無僧田租尚存

雲龍庵在城北接龍橋畔嘉慶二十四年因三都雲水庵

廢產業歸橋旋募建庵

瀘谿縣志

卷五 寺觀

十二

七姑仙庵在西關外今廢

仙獅峯庵在北隅椒澗黃姓建

洗心庵在西隅長境盧姓建今燬

長興嶺庵在縣南十里原建嶺左僧五壽移嶺右雍正年

閒盧宗臣等募捐茶田勒石立碑

紫雲峯庵宋淳祐閒林萬三九建咸豐十一年寇燬林姓

近議修復

萬靈峯庵宋寶祐閒林萬三九建

天堂庵在西隅距城十里盧姓建被賊焚燬存有田租

高山庵在一都

元武閣在一都高阜村北之保障也昔建閣三層高聳人

雲內祀真武咸豐十年寇燬曾姓復斂貲重建改名高武

永興庵在一都曾姓建

興文庵在一都曾姓建

五神堂在一都曾姓建

慈照庵在一都曾姓建

接龍庵在一都單姓建

萬年渡庵在一都曾姓建

禪嶺庵在一都燬于寇

如來渡庵在一都曾輝先等募建有糧一石三斗零

福慧庵在二都霧濃七都麾下周仰宇葬其右建庵延僧

看護有贍守墓山一嶂田糧一石零

瀘谿縣志

卷五 寺觀

十三

五雲庵在二都

白雲庵在二都

金船庵在二都

萬福菴在三都河洋明季僧老龍建後僧澄波復修

福壽庵在三都法水傳一宗建

長福庵在三都何師嶺

龍潭庵在三都

泉石庵在四都三口嶺李經元倡捐僧石松募置田施茶

立有碑記今乏僧人住持改爲文昌宮田畝歸入本都鄉

學

萬壽閣在四都營前章姓建

藜光閣在四都杜藍水口石姓建

慧日庵在四都尚善堂公館後杜藍石姓建

普照庵在四都杜藍石姓建

星映庵在四都貢生石迴瀾倡建施租四十餘石

太平庵在四都

騰龍庵在四都朱之翰建今廢

梵覺峯庵在四都吳雲扶建僧行圓重修

仁社庵在五都

渡人庵在五都

心鏡庵在五都龍蔭謝心宇建鄧汝賢施田四十三石五

斗邑合楊倓批准勒石禁僧盜賣

瀘谿縣志

卷五 寺觀

大仰庵即仰山庵在五都盤谿石憲祖之妻黃氏建

石龍庵在五都南堡

金鎖庵一在五都石文器有記一在十都

西來庵在五都彭盛吾建

西竺庵在六都

興福庵在六都

大乘庵在六都

東勝庵在七都

萬善庵在七都

琵琶庵在七都高田李梅軒建

龍雲庵在八都礮谿

洪潭橋庵在八都

寶蓮庵在九都明建久圯大陽山僧奇然與徒道煥重修也是庵在十都僧念水建

福興庵在十都桐阜芙蓉峯係真如寺分出丙辰寇燬

金鎖庵在十都對山

碧雲庵在十一都康熙甲申僧念水建咸豐十一年寇燬同治四年僧慧真重建

圓明庵在十一都

普濟庵在十一都

獅子庵在十一都魚鱗山之右

武當閣在十二都陳坊魏姓建

瀘谿縣志

卷五 寺觀

十五

福源庵在十二都麻地窠

法源庵在十二都

西竺庵卽油竹庵在十三都石峽道光二年元饒二姓互訟三年經署府憲趙斷其山田歸於鶴城書院內除租穀十三石以作看守本庵之資同治二年邑人李時春黃遐庚另買四隅田租三十担換出原山田歸庵

永福庵在十四都譚姓建

止止庵在十五都鄧姓建

妙覺庵在十五都上櫟洲

常敬庵在十五都雙谿

銀屏庵在十六都

三谿渡庵在十六都

冢墓

宋李泰伯觀祖墓在三都赤境橋見盱江集

李子高喬墓在三都葉源李觀有表見盱江集

太學說書李泰伯觀墓在郡北鳳凰山麓門人陳次公志

銘明成化三年盜發冢知府謝士元具棺衾易葬羅倫記

見一峯集

贈大理寺評事李惟覺墓在西源仁濟寺後

樞密副使李明安山甫墓在五都龍谿槐坪

虔州都作院李彥回墓在五都梘頭鳳尾窩

布衣周安禮墓在三都松林頭 按安禮與李山甫同時

瀘谿縣志

卷五

冢墓

十六

見澤心寺記

信州司戶參軍石和甫松墓在四都杜藍

永州推官李平一準墓在五都槐坪 按府志準山甫孫

官翰林

鄧州通判權州事饒朝弼廷直墓在八都翁源

國子司業龔夢仁墓在八都安居 按府志作龔夢龍

翰林林亮墓在光澤縣十三都玉佩營心黃氏屋後

進士仁和令石君任致平墓在稠源

廬陵教授鄧德光觀國墓在櫟州屋後

登聞檢院國史編修黃平一吳老墓在東源高城山 按

吳老後官臨安府北廳通判



進士李宗海澗墓在五都陳畚鄧宅後見分省人物考

元袁州學正黃河清叔美墓在官谿周公橋

隱士陳子野墓在十二都陳坊

明理學陳思源希聖墓

贈大理寺左寺副石德盛墓在二都石家塘章光岳志銘

文學曲澗居士孫奎墓在三都北源五峯山下

河閒知府石玉完文器墓在四都賀源黎元寬志銘揭重

熙表

國戚儒官孫蒼崖鏗墓在八都歐家橋屋後益宣王表

貢士傅材卿汝掄墓在普濟山

金華守備李皇求大開墓在十五都雙谿村礫

瀘谿縣志

卷五

冢墓

十七

孝廉魏洞谷能容墓

文學鄧溫如璿墓

盧魁墓在十三都岐山前墩上翰林李鳳岐志墓

國朝隱逸文學石叔寅珂墓

隱逸貢生鄧貞明化日墓

隱逸文學魏伯民奇墓

南和知縣李豫菴日彰墓

孝廉魏卓公文璜墓

封慶元知縣文學鄧斯示墓在二都東坑時羅源

文學于旭峯佑墓在八都里募大阮口

孝廉盧大隣宗臣墓在法水寺屋後

于志宜墓在十一都全澤里

鄧英墓在下坊柯樹源

文學鄧維屏墓在十六都嚴坑翰林院學士謝德溥撰墓志銘

內閣中書丁步曾墓在十一都貽坊屋後

李文墓在三都赤境橋下手

鄧一芝墓在南城北門外斗華山傅家庵後

鄧大儀墓在本邑八都裏源

盧明遠墓在南城北門外神嶺背周家段

許高泰墓在十四都許坊屋後

盧伯龍墓在八都里募大坑口

瀘谿縣志

卷五

冢墓

十八

處士石景明墓在鍾富里口外名鳳山又曰鷲峯嶺長子

倫十五次珩孫國直俱附阡

舊志邑侯李如璠勸農記載前葑州石祖購為本墓護蔭

處士鄧隆山墓在南門外茶窠

贈文林郎拔貢生鄧應角雲先墓在本邑北門外黃潭章

家窠仙人側掌形上層孫進士慶元縣令觀我軒墓在下

層俱豎有碑

贈文林郎林中友墓在三江黃泥坑

貢生傅勳墓在十四都許坊白竹窠

縣丞李樹穀墓在西門外程家山有碑

新昌司訓曾先春子元墓在二都裏山門

節婦林氏墓在南城十三都岳口鄱陽橋陽公山裏魏文

潢撰有誌銘

李泰伯墓祠祭田開後

塘坑早田一段計米四十五石坐六十六都

張家源早田一段四石五斗坐六十五都

掃箒源晚田一段五石坐六十五都

祠右地一片

祠左地一片

以上俱成化九年招規後裔助知府姚垌有記

康熙乙亥年規祠呂溪祥明助田十一石鄉坐五都白

石岡

規祠基甸助田三石鄉坐五都箬葉嶺下

瀘谿縣志

卷五

冢墓

十九

規祠存質助田八石鄉坐五都龔坊

規祠炳霞助田三石鄉坐七都翁源烏龜墩

棟梁助田 石

古蹟

宋李觀故里在三都赤境橋李家園 按泰伯疑仙賦云觀家盱江其西十里則麻姑山又神祠記城北邵氏世奉五通里中疫而吾家與焉是泰伯之宅在郡城也又泰伯先夫人墓誌觀生十四年而孤是時屏居山中去城百里其後復還舊居而李子高墓表有云南城東北遠百里吾高祖之父家焉天聖中嘗省松柏至於子高之室据此瀘谿乃泰伯之祖居耳

李山甫故里在三都長山王安石過訪題詩

龍馬山房在六都南宋時鳳林石崑出一馬能奔騰煙霧中里人以爲龍馬進士李澗却元聘結廬講易於此題目

瀘谿縣志

卷五 古蹟

二十

龍馬山房 按府志云高志載爲李觀聚徒講易處觀北宋皇祐間人龍馬未生安得預有山房之名其誤可知

都巡寨一統志宋元祐間設都巡檢置寨於瀘谿以備閩寇廖恩明改巡檢司萬厯七年就司設瀘谿縣縣署卽舊都巡寨地也巡檢司改於泮牛 按縣署乃廣仁寺陞巡寨在北門外今呼爲司前一統志說誤

老人竹在四都宋石致平任仁和縣令致仕歸父老扶杖攀號不能去致平惻然遂攜老人竹杖歸植於家久之叢生四時筍出羣稱爲老人竹移植他所卽枯

梳粧樓在四都宋哲宗朝石妃未髻時梳粧所

饒廷直故宅在八都櫨木 按廷直在鄧州上血表有云

臣二親各年六十以上見居建昌南城縣之六十八都饒家錚邑有故宅可信

岐山師古亭在七都與六都漢嶺師古潭遙相對先時<sub>上</sub>逸鄒志本並解組歸企慕古學各隱一山其題曰漢嶺者景東漢節義也題曰岐山者景文王作人之化鳳鳴岐山也 按<sub>上</sub>逸鄒志本係何代人居何官職舊志並未載明林志藁以鄒志本爲元人任廣信教授則<sub>上</sub>逸當亦元人未審何據姑仍之

芙蓉澗芭蕉塢在四都溫泉左右昔有二人各居一山一沿谿種芙蓉一滿谷種芭蕉標翠浮紅有綺霞翔藹之致世傳爲隱君子今谿谷中尚有餘種

瀘谿縣志

卷五 古蹟

二十一

來鶴亭在縣城北平步山初建縣治有雙鶴自北飛來鳴繞山頂知府王之屏按縣命建亭其上歲久傾圮將議修復

高雲塔在一都水口明天啟甲子曾承謨建瀘水滙於此以達貴谿爲瀘水鎖鑰亦勝觀也曾先春有記

四都下洋崖石壁立溪水過其下壁有古字隱現苔蘚中涉水摩壁竭目力審之乃七言詩一首後書咸亨年月日蓋昔人葬其地詩以誌哀也詩曰悶來無事可書空散策郊原興未窮混世正須多飲樂家山回首<sub>上</sub>雲籠白頭踪跡隨黃鵠骨肉情懷等蛆蛭贏得今朝先邸卜尚能重此日華東邑人盧諶感而吊以詩蘚花紅印石痕斑篆迹分

明在水灣半壁殘煙悲古炬一天踈雨吠秋豨驚蓬斷梗  
他鄉客苦竹黃蘆此地山誰識全唐詩卷外尚餘幽恨落  
人間

邑三都碧江村後有山自二都遠峰來若鳳翼飛舞而下  
亦名五風山林木蒙翳巖壑秀峭中藏古塚一坏龜跌斷  
裂已無姓氏勒石可辨旁列石人石馬茸茸草棘間父老  
傳說益藩孫妃墓也噫嘻陵谷變遷雷塘玉鈎斜且不堪  
問况藩妃荒壙尚有鈿蟬玉魚出人間乎里人彭鍾華紀  
以詩曰夜螢閃入益王殿寂寞故宮誰得見荒谷何年葬  
翠鈿月明環珮疑幽怨我來吊古喜探奇香塚模糊未可  
知山花亂落繞翁仲墓門可有金蠶飛

酒泉在椒澗里相傳有道者過市叟乞飲教叟投粒米於  
井遂成佳醞後道者復過其處主人忽嘆無醴道者惡其  
貪投以小石不復成酒今其泉尚作酒香云游客或戲爲  
詩曰何處酒泉覓野村酒香尚共井波渾合求于日供長  
醉一種貪心不可論

赤鏡橋在邑三都樟谿村後先儒李泰伯實居於此舊志  
與龍馬山房竝繪圖卷首地以人重也而環橋八景類圖  
中所不載今備登之附詩其後俾後之覽者知鍾毓之有  
由耳一鷓鴣潭在橋上流詩云明月映淪漪潭魚欲上時  
江空波浪靜斂翼宿鷓鴣一七星潭在橋下流詩云星影  
落潭低關山月色淒闌干移北斗喚醒候潮雞一百花山

在橋東岸詩云不見採花翁山中宿花影百花今有無蕭  
蕭楓葉冷一打鼓唳在橋東岸詩云宛彼豆子山山打  
瓦鼓晴霽下斜陽晚風吹白兩一尼姑坪在橋上流西岸  
詩云古寺無遺址虛傳渡女僧青松吹落子惟見孤雲興  
一金盆架在橋東岸嶺背詩云榑籬高繞屋瓜架澹當門  
借問陶金器何如注瓦盆一官陂堰在橋上流詩云何代  
仁明宰利民鴻卻陂灌田無水旱閒殺農家兒一五雷洞  
在橋下流東岸詩云鳴春萬物生冬蟄藏深洞豈伊仙者  
流收發誇神弄